

Aatsitassat ikummatissallu pillugit ingerlatsinermi pisortat allaffissornikkut aningaasartuutaannut taarsiinermi nalunaarut nr. 24, 30. december 2003

Kalaallit Nunaanni aatsitassat ikummatissallu pillugit inatsit § 25, immik. 5 malillugu, takuuk nalunaarut nr. 368 18. juni 1998-meersoq, aalajangersarneqarput:

Atuuffia

§ 1. Nalunaarutip imaraa pisinnaatitaasut aningaasartuutinik akiliuteqarnissaat, pisinnaatitaasup akuersissutaani piunasaqaatitigut aalajangersarneqarmat pisinnaatitaasup pisortat allaffissornikkut aningaasartuutaannut akiliuteqarnissaq §§ 10, 19, 20 aamma 25 Kalaallit Nunaanni aatsitassat pillugit inatsit malillugu.

Suliassanik isumaginninnermi aningaasartuutit

§ 2. Aatsitassanut Ikummatitassanullu Pisortaqarfiup suliassanik isumaginninnermini aningaasartuutai, taassuma ilagalugu nakkutilliineq, nalunaaquttap akunnerinik atuisimaneq najoqqutaralugu naatsersuisoqartarput suliassap ataatsip sularinerani nalunaarsukkatut atorineqartut najoqqutarlugit, takuuk taamaattoq immik. 3.

Imm.2. Nalunaaquttap akunneranut akiliutaasartaq aalajangerneqartarpoq suliassamik suleqataasut aningaasartuutigineqarnerisa agguaqatigiissinneratigut, tassunga ilanngunneqarlutik ukiumi pineqartumi allaffissornikkut sulinermi aningaasartuutaasimasut allat naleqqiussinnermi pissarsiassaq.

Imm.3. Aatsitassanut Ikimmatisanullu Pisortaqarfiup aningaasartuutai, misissuineranut, siunnersorteqarnernut, taassuma ilagalugu pisortaqarfinit allanit ikiorneqarneq, aamma angalanermut aningaasartuutit il.il. sularineqartumut ataatsimut aningaasartuutit atatinneqarsinnaasut , aatsitassanut ikummatissanullu pisortaqarfiup aningaasartuutigineqartuninik nalunaarsuinerana najoqqutaralugu akilerneqassapput.

Ilisimatitsissussaataaneq

§ 3. Ukiut naannginneri tamaasa aatsitassanut ikummatissanullu pisortaqarfiup § 1 malillugu akiliisussaataasut ilisimatissavai, aatsitassanut ikummatissanullu pisortaqarfiup ilimagippagu, ukiup tulliani suliassanik isumaginninneq malunnaateqartumik, nalinginnaasumik suliassatut pilersaarutaasut qaangerneqartussanngortut.

Imm. 2. Imm. 1 malillugu paassissutissat tunniunneqarsimasut ukiup ingerlanerani malunnaateqartumik allannguuteqarpata, imaluunniit suliassanik isumaginninneq malunnaateqartumik, nalinginnaasumik sularisassatut pilersaarutaasut qaangerneqartut, akiliisussaataasooq piaarnerpaamik

tassunga tunngasumik ilisimatinneqassaaq.

Nalunaarsuineq

§ 4. § 2 malillugu akiliisussaatitaanerit eqquutinniarlugit qaammatit pingasut qaangiunneri tamaasa imm.2-mi maleruaqqusat malillugu suliassamik isumaginninnermi aningaasartuutitut akiliisitsiniutaagallartoq aatsitassanut ikummatissanullu pisortaqarfiup nassiutissavaa.

Imm. 2. Ukiumi akiliiffissami qaammatitut pingasunut akiliisitsiniutip siulliup nassiunneranut atatillugu aatsitassanut ikummatissanullu pisortaqarfiup nalunaarutigissavaa, ukiup ingerlaneranerani nalunaaquttap akunneranut aki sorleq ukiumi tassani akiliutaagallartartussani atorineqassanersoq. Nalunaaquttap akunneranut akiliutaagallartagassaq ukiumi natsorsuiffimmi inaarneqartumi nalunaaquttap akunneranut akiliuutaavoq, naleqqussarneqarluni aningaasartuutit allanngorarneritut missiliuutaareersunut.

§ 5. § 2, immik. 2 malillugu aatsitassanut ikummatissanullu pisortaqarfik ukiup naatsorsuiffiup naanerani nalunaaquttap akunneranut akiliutaasussaq naatsorsussavaa ukiorlu taanna akiliutissaq naatsorsorlugu. Akiliut taanna § 4-ra malillugu akiliutaagallarsimanut naleqqussarneqassaaq. Naatsorsuutit inaarnerat akiliisussaatitaasumut ukiup naatsorsuiffiup naanerani kingusinnerpaamik qaammatit sisamat qaangiutinngineranni nassiunneqassaaq.

Erniat

§ 6. Nalunaarut manna malillugu aningaasartuutit akilerneqassapput kingusinnerpaamik akiliisitsiniutip nassiunneraniit ullut 30-it qaangiunneranni. Akiitsoq piffissaq eqqorlugu akilerneqanngippat, ernialissuineqassaaq inatsisip tamatigut atortuusup § 5-ia kingusinaarluni akiliinermut tunngasoq il.il malillugu, takuuk Inatsisini nalunaarut nr. 583 1. september 1986-meersoq.

Atortuulersitsineq

§ 7. Nalunaarut atortuulersippoq 1. februar 2004.

Namminersornerullutik Oqartussat, 30. december 2003.

Jørgen Wæver Johansen

